

靈寶无量度人上經大法卷之七十

靈寶无量度人上經大法卷之七十一 出七

修齋受詞品

請師

科曰開度人天救護群品崇建齋法非師不成必在備受符籙明練科儀知俯仰之文明進退之格思神念真開啓敷奏闕邪無失庠序得宜與天為徒體道無極廣開戶牖普濟沈淪德重功高莫越師寶若法師佩三洞泉官泰洞玄者可署之闕人之處可洞玄為法師紫虛正一為東官也齋法出於靈寶屬洞玄以行之理亦為當其他十戒白簡道士不可濫署法職竊預名號凡欲修齋致薦濟存拔亡當歲事之初必先推尋清高勤行之士或棲真觀宇或隱迹山林道價崇高玄門宗仰僉讓惟允

七七  
卜筮協從後齋沐身心蠲誅吉日削心詞而皈命澀齋款以依投儀或未副精祈必再申誠控告志宜執一禮止于三必獲允俞始當營建蓋以皇天厚地幽府東為十方无極之鄉三界難量之際非宗師功德

隆重行業清明則何以登幽顯以宣道和人天而無間是以淵源上學深造玄微為生死之津梁作人天之眼目者迺可謂之高功如其泛泛之流未學下士惟財利之是務真植植以冥行徒役精神虛費財寶其不為三官鼓筆者鮮矣尚何冀其感通者哉

投狀

具鄉貫奉

道弟子姓某與家眷等

右某所伸情旨伏為亡某存日享年幾歲月日時生於何年月日時在某處身亡見殯葬何處深慮魂識未遂生方今者屆于其節謹啓志誠備置十方法信供養之儀於某處請道士若干人就某處崇建

七七  
无上黃籙大齋幾晝夜滿散修設冥陽淨懺一座乞為亡過某人懺贖過愆資嚴生界仍乞附壇昇度門中祖禰眷屬親姻旁及六趣三塗九幽五道冥司幽夜滯魄孤魂普仗良因咸超仙界謹具誠款披授法位法師伏願

法慈許賜依科陞度施行未敢自專伏候法旨

致詞

維年號某月朔日某甲子某府縣鄉貫居住春等謹齋沐虔誠稽首再拜上啓

度師某洞法師先生切以

祖炁肇分有物咸歸於覆被道源始判承流代出於真宗洪惟

上學之流深證重玄之教輒陳祀事仰冒聰明切念某等伏惟亡過某人夙契

真休叨居人道在地水火風之內有貪嗔愛惡之緣罔知幻化之無常益見人非之稔積

俄淪夜壑永隔陽光非憑奧妙之科曷濟湮沉之苦旁求上士式建靈壇恭惟

先生體道純真潛心虛寂悟三洞四輔之旨為十方三界之師開戶牖於玄門作舟航於

苦海天人仰德幽顯咸恩伏望

廓軫大慈俯從丹禱飛神控轡高遁

三境之遙錫命頒符下拔九泉之苦慶雲垂而生意無盡靈風聚而死骸發煙伴茲受對

之魂證彼登真之果更冀九玄滯識六道幽靈咸登解脫之鄉共達希夷之岸依皈至切敷述冥殫干冒威明某下情無任激切之至謹詞

啓盟

高功升座法衆立班啓堂法事候弟子致詞宣畢高功捧香祝曰

浮黎國內玉京山中億萬年結蒸凝煙百千種通誠達信根盤霧林下瑞藹太虛空寶香

一炷焚金爐三界十方咸稽首

焚香執簡啓奏

以今焚香供養

三清三境十極十華无上至真道經師寶十方三界千靈萬真黃籙寶齋感應真宰伏願

駭龍駕鳳飛空步虛降臨道場作證功德與妙同元蓋一真之未布機詳有統由三炁之初分寂寂至無之宗蕩蕩自然之化生於象

帝之始隱乎空洞之中元始開圖敷五篇於碧落洞玄啓秘周十度於本章生生之義難

終難窮化化之源莫名莫測運兩儀之闔闢

使萬物以化成德本好生獨立常生之道功惟不宰孰知真宰之筌非常道而非常名無棄人而無棄物粵自三皇之始人與道全迄乎五帝之終道為人遠人偽勝而天理滅幻境迷而覺性昏不能保命而愛神益見背真而就偽生由是死由是出於機入於機汨正念於喜怒哀嗔棄真常於夢幻泡影自取死壞離其本真人非鬼責以兼攻雪刃霜鋒之交至炎炎烈火獄峨峨丘塞地皆由一念之中自致九幽之苦舉聲悲呼徒知宿命之非

救苦化身未過霈恩之及繫千衆罪流吹不息恩惟太上拔領無邊宏敷黃籙之文茂著明真之典控五鳳八鸞之駕尋救十方宣九龍二虎之符開道六趣變雲浦為雪腴之醴消火翳為靈寶之光劍樹摧鋒鎮湯息津普召陰冥之主吏咸遵濟度之科條三界莫不依皈一切普皆懽悅九卷既終而麗華得度一人無畏而北帝請陳是為无上之緣茲實難量之果蓋以元皇敷化列聖流通經分三十六部

而度人最先齋列七十二等而黃籙惟大葛左玄授大洞之旨張靜應恢正一之文源分流泓而浩浩無涯法演經傳而綿綿不絕非惟功德之普博抑亦禁戒之威嚴非丹誠惟一惟精豈大範可聞可見今黃籙大齋官英

皈依十極請命三天奉先思孝而速度億曾修齋建功而普資群爽齋紋繒而備列持質信以森嚴廣選清靜之流祇建明真之會宜得上士與之宣行如某者塵世行尸玄門末學冒受九真之戒濫紆三洞之文體未洞真

何足致形神俱妙德惟翦薄豈能使天地同歸是宜隨肢體而熟聰明處山林而就藪澤夫何塵迹誤辱丹詞顧惟戰灼之餘益認精虔之至敢不遵承科簡祈告蒼昊秉自愚不轉之心宣大道無為之化何異挾山而起海

無殊斷鶴而續鳧短綆不可以汲淵大方必為之見笑所幸因緣有自翊替得人皆法海之元龜實宗門之大匠更相汲引不鄙凡愚將共受於戒言庶克成於祀事况以科條具裁功過悉分三官五帝之書九府四司之錄

毫分無失纖芥不遺弗容簡慢之為恐竊薦修之福必也盟告天地質誓鬼神各罄丹心不生異念當使功標丹簡俾七祖以生天無令罪結黑書致九玄之墮地登壇之際受職之初咸秉誓言仰于聖鑒今則齋莊既肅盟

告云周珮玉鏘鏘見十方之振響威儀濟濟仰萬聖以臨觀潔志同誠舉揚勝事

度亡玄局

玄師曰既承投詞選擇吉地下日告齋嚴命同志入靖對齋預告上穹修札開告十天九地三元九州塵不逾通持誦經號教

宣科教行香修齋建壇貢章召攝視現頒符命以俟感通功周幽顯名刊玉清普天懷德克日飛昇訣曰所投詞即是大齋弟子之詞詞旨孝慈忠直懇切無私方許允

度也擇吉地者名山洞天福地靖廬玄壇宮觀不經兵陣戰場非屠坊刑獄生產塚墓穢惡之地者皆名吉地也卜日告齋者要在三元八節五臘十直三會之日與亡靈七七周祥諱日相合或普度之時要值

天赦甲子庚申與節會元臘司會名曰吉日不遇其日不可開建也告齋為主意之初通達玄元某日為始也嚴命同學上道同師同壇之友也同志謂其志同也普為幽顯者苟非其人和氣不生有驗因果自

告齋之日入靖所不交人事對齋百日九十日四十九日三十二日亦可但量所度亡者多寡修文備事廣狹為則無致臨用有關預於前期七日告三界九地十天十道九州北都冥府等於告齋之始勸緣大齋之首及求度亡魂之家同志同學之人齊戒沐浴持誦真文真文者謂薦拔亡魂經呪尊號也謂如大洞真經靈寶諸經九天生神寶章道德二篇黃庭玉經救苦三塗虛九幽拔罪真經甘露神呪真一等經及琅函天尊睿號神呪也於開建前三日敷告修齋詞旨開告直成神君行雨主雨龍神里域土主城隍山林孟長溪莫及屬岳之司一切洞天福地諸天仙曹等處一一各召差神兵衛護道場斥逐凶毒之

物淨蕩穢惡之蒸久晴之時防虞風雨久時陰雨剋日借晴仍還當境靈應來人所歛之神直壇防非止惡以警非道妖惡之衆於前一日夜日入之時集與事羽流法事弟子詣建壇之所習演威儀至平旦集衆誥法師靖下請受致詞求師登壇建壇淨穢自此或七晝夜或五晝夜三晝夜一晝夜並三時行道六度行香十遍轉經宜科告戒並從古制節度拜章表教露五方真文依式鎮信金玉宣符告簡並從科法名稱視現鍊度感通齋後舉過始末同心功圓果滿散壇謝過言功效職三官保舉五帝泰名諸天稱慶上帝賜恩進品仙階功及幽顯克獲飛昇稍有違悞罪亦無貸

### 玄局儀範次第

玄師曰自宗師垂示科教啓建大齋各有次第並依玄局啓載闢告文楹牒狀之類并具齋詞旨揮請乞文語皆出大法師志意修撰不必定本成規混濇靈典的非經

誦之言宜可編次法內久而滋蔓使成俗格白石類玉似是而非有玷其道初則習演威儀預於前之日建壇至日清旦致詞請師登壇至于九師之前啓玄建壇任六職拜啓玄表文揭發受職方始詣三寶像前開啓行者升壇行道之日先於壇內燒化通關預告轉牒九州社令三界神司五岳九州幽府北都里域城隍山林孟長溪真歲君神祇主兩龍神令部衛形魂普赴壇下止兩借晴開告都畢旋速登壇拜素車白馬章開通道路章申奉天冒五帝四司三景星官天省三院靈寶十天南北二斗四極真宮四聖師府三官所治五岳司命三十二天紫微上官丹天火府重明上官轉司丹天童初五府東華西靈五老帝君天尊真人法中干預之者及不奏諸師上帝一一周備宣告教苦真符太上敕教生天寶籙訖宣啓行道科儀諷鉢真經清旦事畢臨午行道告下三天白間九天寶籙玉清破地獄真符拜破鄴郡業道章讚

誦十五儀至晚朝行道宣讚童子救苦生天儀初夜行道壇外發召請表奏攝魂赴壇迎引亡魂赴浴拜沐浴鍊度章宣沐浴鍊度儀召請詣三寶前傳符受戒迎魂歸位吃食十念次懺回耀輪燈九危神燈宣九獄儀法師破獄次召請九泉六道赴浴次設無礙夜齋戒神祇都畢迎魂觀影現形次至中夜登壇行道拜還拔亡人章行持九鍊變仙之法告下拔幽魂真符登真度命靈符長生符召降驛吏宣讀合同恭文宣放生儀次祝流大神庭魚龍分後焚化簡文焚郭芙蓉龍童子等至終滿之時淨壇設醮起五方真文拜謝恩表乞詣玄師前還職拜言功謝過朱表乞祝納官祀罷壇如此科式不可超越或七晝夜九晝夜十四晝夜皆須委曲緩速行持近則三晝夜一日一夜開行稍違節次動失綱紀不惟混淆典憲冥曹亦須切矣三官鼓筆四司糾察徒用施為功德之恩萬分獲其一二學士宜遵守奉行五老本行具說三



見黃籙向自不墮地獄况其現行大教普濟幽冥若滿十數天上下十方三界仙人鬼飛走甲介皆是子之恩德所及魔王敬伏保舉上帝稱慶懽悅三官言功五帝列奏祖師錫元皇飛行金闕降丹華羽

聯拔七祖於北官度九玄於死錄一身骨肉仙化神形俱登道妙香餌金丹佩服仙券千騎萬乘白日登升三天隨其功業授補真階或為上清真人之位或登上清仙公之名或為太極左卿方始洞明普救無間功德之所致也子宜勉之竭志奉行

鎮信威儀品

鎮信

經曰古人傳朴懷道抱德不貪不欲各足於身但用志誠自可通感不須財寶玄合天真末代時流人民矯詐惟信財貨不誠因緣賤命重財輕生拘利內懷萬惡外結凶狂相繼滅亡未嘗覺悟念是之故令違散之一則內賊不生二則外賊不寇內外安靜眾苦消除所以質信效心必以財為

首財既可捨心亦隨之聖善與通隨夫心意高天厚地玄聖上真非信不通赤心不感通感之致在乎信為故云學道之士齋金寶效心盟天也

金龍一十三枚十方鎮十枚三枚隨簡投之

科曰天子皇后太子用上金三品以下用中金九品以上用次金十品以銀塗金各長三寸六分夫龍者上天之驛騎為傳達通感龍騎為先勇簡即騰信三官鎮壇以通誠十極鎮信之法以龍為首闕者茅傷陰官曹

鎮綵一十一段十段十方一段命信

東方青紋九南方綠紋三西方白紋七北方皂紋五上方碧紋三十二下方黃紋三十二四維黃紋各一二十方數合一百三十六天子四數諸侯文數士庶尺數本命紋諸天子諸侯紫色士庶以本命納音色匹丈尺數各隨本命外加一以表延生之信科曰紋繡者顯五行之色象十方之氣降十天數五帝通真效信請命祈靈不

可闕也闕者考屬天官玄都曹

鎮十方紙墨筆硯一十副每方用十二幅

科曰建齋行遣或救拔德曾萬祖考妣二親或請福析恩保制劫運則四司五帝三界十方紀錄善功檢校罪目當以紙筆為錄功紀善之藉施鎮十方不可闕也闕者則十天五帝不錄其功九府三官不除其過闕者考屬三官曹

鎮十方香華

科曰香者以通感為用隔氣去穢華者以鮮潔為美表瑞效珍請福析真香華為本香以沉麝降真花以香窠木生者無花可以五綵剪簇以鎮十方不可闕也闕者考屬陰官曹

鎮檀錢二萬四千

科曰民之利用厚生非財不立民之重財尤過於命故齋法以財質心而不可闕也闕者考屬天官玄都曹

鎮米二斛四斗

科曰米者養生之本民以食為命故齋法

以米質信天官增加品祿所不可闕也闕者考屬天官曹

鎮油二十四升

科曰油者陰類也陰中生陽以油鎮陰官

鎮炭二十四斤

科曰炭者陽類也陽中生陰以炭鎮陽官

鎮木簡三面

科曰簡者記也吉也記世之功告盟上具

上下正方天子以玉為之玉有九德禮天

地之信也餘皆積木為之或栢木丹界五

行丹書圖號年月建齋之所及法師姓名

投於名山大洞靈泉龍穴及齋壇之中告

天地水三官使著明齋事奏于上境闕者

鎮十方玉璧十枚

科曰玉有貞潔之德可以盟感上真故以

為信若投龍簡當以青絲金鈿纏而副之

代數無上告三官也投龍壁天官蒼壁

圓形地官黃壁方形水官黑壁六出形天

子以玉公侯以下並積木為之闕者考屬

投三簡金鈿二十七枚

投簡之法當用金鈿九隻以副於簡三簡

用二十七鈿各徑九分圓其外如環之形

國家用金臣庶以銀銅塗金

又皇人鎮壇儀範

夫建齋壇當供設十方天尊五嶽三光水

府經寶隨方各以紋繒之絲玉璧金龍以

鎮之更於五方書五老真文玉字教靈盟

告諸天三時禮念求哀懺悔更用楊木五

段方磚之式以絲帛上書五篇之悉以鎮

之五方散壇之夕掛於五方則可上消天

災保制劫運下樓毒害以度兆民則生死

受賴其福難勝者也用筆五枝墨五笏現

五隻算籌五把案紙五百幅分布五方以

米五石分為標米以錢五千文分在五方

為命錢其紙各封押上題云東斗注算紙

南斗上生紙西斗記名紙北斗落死紙中

斗記善紙仍以木雕造童子五軀手執梓

木函盛其文於其內散壇宣科而焚之即

五方童子齋其文前行引導亡靈隨光明

而生道或更以茭草傳龍二條童子二身

左手執長竿右手執龍索候散壇之日將

白簡符命以鐵線扎於交龍之身即用遶

神回黃二幡以童子手執之法曰所謂焚

龍負身風火驛傳者也更在行持之士存

三清之光三光之光三日之光合與真火

而煉之其火盡存化為紫雲之舟亡魂乘

馭其悉得生天上次以靈寶將吏兵馬齋

左右二卷攤從亡人而去直詣天門照證

威儀

科曰太上三尊居玄都玉京之山七寶玄

壇紫微上宮十方世界上聖高真一日三

來旋行朝謁執符把籙建節持幢吟詠洞

章游空飛步奏鈞天妙樂散異景奇花鸞

舞鳳翔三界齊懽萬真稱慶今之齋法登

壇朝奏一象玄都玉京也威儀法式莫不備焉

皇人曰元始天尊演說靈寶玄妙超度法門會集群仙於虛皇天寶之臺詣天隊仗紛紜日月星宿瓊瑤玉衛鳥獸鸞鳳丹輿綠華幡蓋霓旌並未朝華夫行法之士開建壇陞亦遵上天之儀以度下世兆民也

節一對

以五色絲為之上下五層懸竿頭金鸞鳳新絞帶

幢一對

以珠蓋珠網八角一層懸竿木胎左龍右虎龍虎嘴絞帶

旌一對

似節無龍鳳嘴絞帶三層五色絲為之懸竿

珠幡一對

珠飾玉珮金鳳嘴之懸竿

五明扇一對

以木雕成金彩裝上布星斗中列五嶽下

繪海濱堅以朱竿

鶴羽一對

以木刻成鶴翅堅以朱竿

皇人曰夫登壇行事以代元始應化先造威儀以制萬天於壇內四維分布星宿徽演坤輿之數立諸門悉各依大法不可輕慢

冠裳劍珮品

科曰服者所以旌禮也登壇朝真不容紊亂經圖故備纖繅高卑用以彰明各存法度始於正一終於講師高下之儀一如正制

正一法師

玄冠絳楊黃裙絳帔二十四條丹火玉珮新邪之劍長二尺四寸

紫虛法師

玄冠黃裙黃褐黃帔二十八條青玉珮紫虛陽光之劍長二尺八寸又五帝召靈之劍明玉珮

洞神法師

玄冠黃裳青褐黃帔三十二條白玉珮太一三元之劍長三尺又三皇太一之劍青玉珮

洞玄法師

芙蓉冠黃裳紫褐紫帔三十二條明光玉珮八景揮靈之劍長三尺六寸又五帝威靈禦邪之劍素玉珮

洞真法師

元始冠青裙紫褐紫帔青囊表三十九條珠玉紡履震靈八景之座玉簡瑤笏震靈之劍左右垂玉珮珠璫前後通真召靈之符或仙袖雲霞之帔

大洞法師

元始冠黃裙紫褐五色雲霞帔劍珮如洞真法師

三洞講師

元始冠黃裙紫褐九色雲霞之帔無劍珮如上品秩高卑皆為朝真法服陞壇以朝真文靈也寶海云劍者辟邪制非威神伏魔佩者進止動靜以中律度各有等級也

大天眞上聖法式威儀萬品千名變化無極至於樓臺宮闕結蒸熾雲悅惚有無不常厥所或飛臺行館空裏轉移或全闕玉樓虛空化出或大包宇宙或細入毫芒其於羽衣雲衫霞衣玉珮珠璣寶印飛印瓊冠瓊笏霓旌鳳輦龍輅日旂月旂鶴駕此駘雖寶變化之神亦有等差之秩所以朝眞法服矧珮冠衣取象上眞垂儀下土若其清齋端默靜室凝神合炁虛無避心滄漢客朝大帝隱叩玄關無煩服飾之殊自會感通之要專早品秩一切泯然其如行教化民間揚奮法各循階序未作經常禮謁朝眞諸踏濟濟弘道之士按而行之亦玄門之盛美也

### 盟傳對齋品

皇人曰夫靈寶之上通乃大法之根宗諸天上帝隱韻內音非下士之所能聞也當採擇其人神真內固威儀儼然言行有信慈悲忠孝謹節正己端直操心志慕耆爽如此之人方可修持上法濟度死生若言

行有虧忠孝不立心行邪佞誦曲詐欺內無德行外失威儀則福淺俗惡之人豈可動達天地神明者哉當審察賢愚分別仙凡然後方受詞誓具表以告三天獲其告報方擇吉日依科盟校凡受持之師行持

半紀方許度及五人如一紀之後方度十人不可再度然而靈寶之文非其正法之比且諸侯公卿欲濟國扶危保鎮國祚受此大法者當以上金一百二十兩五色綾羅各三十六疋珠砂青絲各一十二兩鎮信米一百二十石金錢一百二十斤普香三十六斤士庶人民欲濟度死生超昇玄祖當以上金三十二兩五色綃綾各一十疋珠絲各九兩鎮信米一十二石命錢百二十千普香六斤修煉有道之士當以金九兩紫綾一端青絲一兩珠砂一兩普香一斤素紙一百幅以代帶帛筆墨五方各一件以錢走無力行道之士亦可用三分之二不可闕也蓋此法秘於上天其禁至重至於天人諸玄都上宮而傳亦

齋金寶而受是以不許輕泄故也若有道之士所用法信傳度法師當一具申天曹傳授按前應千傳用之物不可私心隱匿如傳度弟子吝惜世財及窺竊求取即師不許妄示輒傳度之後其道不行神眞不侍經法百魔所敗師與弟子俱獲深殃切宜戒之如違科格則諸天欣慶群魔束形萬神敬禮開壇傳授之時自有衆眞靈度以授於我道法流行百魔隱韻離合自然呼聖集眞濟生度死續行累功可不日而果備矣

○ 思微板券  
維年月日時某州縣某人即日謹齋金寶質心依玄都舊格盟告十天稽首頓首再拜傳授上清靈寶經法品章隱秘之文依儀行道

縮諸不祥音度無窮受道之日名度南宮萬神侍衛身度三界登仙翁魔王保舉衆眞監度其謹遵大法敷落神眞普度天人不敢隱秘而傳以天中之天爲盟弟子得法之後不敢輕泄以示下人如違告盟身處鬼官



賦算除年萬劫受考來墮輪迴禍及七祖今  
立券文以為信約

嗣法弟子某某行年幾歲月日時建生上  
屬其嶽稟上天某炁君召  
謹奉

元始天尊度 太上道君度 太上老君度  
天皇皇人度 妙行真人度 諸天大聖度  
五老上帝度 飛天神王度 五帝大魔度  
三官五師度 周天星宿度

券符式



今日欣慶受度某人暨關諸天請滅三惡  
斬絕地根飛度五尸名列太玄魔王監舉  
無拘天門東斗注算西斗記名北斗落死  
南斗上生中斗大魁總監眾靈青帝護魂  
白帝侍魂赤帝養炁黑帝通血黃帝中主  
萬神無越五帝大魔萬神之宗普告無窮

萬神咸聽三界五帝列言上清

右券付弟子某人收執持為身寶以致飛天  
下觀上帝遙唱萬神朝禮三界侍軒群妖東  
首鬼精自亡萬靈振伏招集群仙宜慧洞清  
大量玄玄也急急如

靈寶大法盟傳板券律令

靈寶修真誓戒

靈寶傳度法壇 誓戒牒付嗣法弟子某人  
謹遵

大法合受誓戒開具于後

靈寶十願

- 一願志樂長生
  - 二願出死入生
  - 三願鍊炁思形
  - 四願度諸眾生
  - 五願天下太平
  - 六願眾生悟道
  - 七願祖禰昇遷
  - 八願永離鬼官
  - 九願形神俱妙
  - 十願與道合真
- 靈寶五戒
- 一戒惡殺去害常行忍救
  - 二戒嫉妬莫興常守成人
  - 三戒莫生盜淫常施正直

四戒勿起貪汙常生知愧

五戒斷諸情媚華綺常修儉慈

靈寶十誓

- 一誓不得大醉怒嘆
- 二誓不得饑飽勞役
- 三誓不得廣志迷念
- 四誓不得折交非人
- 五誓不得取非義財
- 六誓不得怨道殺師
- 七誓不得轉入神廟
- 八誓不得亂行靈文
- 九誓不得輕褻秘典
- 十誓不得亂害鬼神

靈寶十善

- 一矜老邨孤
  - 二憐貧援寡
  - 三救濟幽冥
  - 四散施丹藥
  - 五敬重一切
  - 六勤行符水
  - 七常誦經咒
  - 八廣造經像
  - 九勤持齋戒
  - 十放贖生命
- 牒具誓戒終始無虧身心不退即得拔度三  
塗不涉六趣諸天衛護萬聖欽皈依宜當精行  
待齋奉戒夷心端謹志念分明一心皈向專  
想不二內外清虛每合自然鑒映爾心如戒  
行道為三界所範鬼神所瞻召真通靈形神  
俱妙道不負人勤行神受勿使魔言謹牒
- 太歲 年 月 日時牒

1055 145 45 45 45 45

傳度師具法位姓某

靈寶天仙寶誌

三天門下

伏以混沌一判

元始開圖真文洞煥於層霄玉宇敷宣於

碧落神靈降質悉寶聚形含元悉於太虛

運陰陽於寒暑統攝三界拘制群魔紫宸

瓊篇琅函蕤簡經緯稱於上品法獨冠於

中官是為萬法之宗玄機之祖諸天至重

勤苦而聞審察賢愚方遵舊格盟十天而

奏啓齋金寶以方傳輕露秘文禍延九祖

今者嗣法弟子某人即日謹齋金九兩紫

綾一端硃砂一兩誓香一角如係公卿士庶人民即別

數肘步投壇伏為自身本命某年月日時

生重念某素心潔志守道純誠謹遵明科

告盟傳授既獲吉祥之報宜加仙爵之褒



保舉師十方至真飛天神王長生大聖无量

大神


監度師三十二天帝君妙行真人

度師十方靈寶天尊虛皇道君

經師九天高明大使神功妙濟真君

籍師三天扶教輔元大法師正一靜應真君

度師玄中教主大法師



東斗注算君度

西斗記名君度

中斗大魁君度

謹按靈寶本科某人宜補授奉行

上清靈寶大法某徽先生某帝真人南昌

上宮受鍊司真官主晉黃籙院事

右邊盟真科格欣慶受度請列

仙班奉

三清玉帝勅符到奉行

傳法度師具法位姓某

太歲 年 月 日時告下

交兵給法牒

靈寶傳法壇 交將牒付嗣法弟子某人

本壇先據 謹詣壇下拜授

上清靈寶大法經文祕訣符圖印章一宗普

願行持終始不怠除已具奏

上天許令傳度謹遵科格對

聖分環破券給誓受戒付度靈文交兵度將

事須畫一專牒付弟子某人照會者

一上清靈寶經法符圖玉篆科範儀格

一靈寶大法司印

天寶君印

黃籙院印

八威龍文印

泰玄都省印

北魁玄範印

總監眾靈印

五帝大魔印

混合百神印

道君印

鍊度司印

青玄救苦印

赤奮毛字印

神虎內諱印

神虎雌雄印

與道合真印

嚴攝北鄧印

拜章印

一戒牒一道 誥一軸 板符一道  
 交兵牒一道 環券 破獄符杖  
 十方錫簡

一上清靈寶法中天真上聖神王真君將  
 帥吏兵童子玉女功曹符吏兵馬總計

百億萬眾


牒具如前付弟子某人遵承法職虔奉靈文  
 恪謹箴規克勤勿惰積功累行進品仙階如  
 或負盟自貽殃咎無怨於師資故牒

太歲 年 月 日 時牒

飛真朝元謁簡

太上洞玄三景弟子某嶽先生某帝真人奉  
 行靈寶大法南昌上官受鍊司真官主管黃  
 籙院事臣姓某拜謁

五帝破獄策杖



右金關化身具蒸流周慧光煥景金虎破  
 幽字

靈寶環式



皇人曰簡以梓木為之長一尺二寸以白  
 粉為地綠簡四向中用墨書銜位為四簡  
 板券以梓木為之長一尺二寸高九寸以  
 青為地朱書字黃書符策杖以楊木為之  
 法長三尺六寸圍五寸四分四面刊呪以  
 黃羅袋袋之傳法日排於上真前度畢第  
 子杖之安於聖前每日供養如用即將拜

而請環以銀一兩二錢為之中刊符以朱  
 為之

補將吏帖

靈寶大法司 帖補新差來輔法將帥吏兵

等眾

當職昨投

度師某君門下乞保奏傳度

上清靈寶大法符圖印訣一宗靈文已蒙  
 度師於今月 日保奏


上天補充仙職今差到輔佐將吏兵馬

合用收補入司駐劄事須給帖者

右出帖補新差來輔法將帥吏兵等眾仰準  
 此指揮明施號令嚴整軍營修治器械隨呪  
 即至輔正立功他日結勳即當奏薦不官有  
 違

破券式

此券式即月朔日某處子姓嗣法弟子某弟子傳  
 法即日謹齋法信恭依科格拜受  
 上清靈寶大法符圖印訣一宗靈文已蒙  
 天行化勅國政民濟生度死依三寶八對  
 天孝前盟約而傳度師不致隱真出傳弟子  
 不敢怨違師如有違盟是依  
 冥錄其道不成一依  
 科條律令



科律律今  
真道不依  
不敢怨道  
天尊前盟約而傳度師不敢隱真出偽弟子  
天行化助國救民濟生度死永依三寶今對  
上清靈寶大法符圖印訣一宗靈文誓願位  
法即日課齋法信恭依科律律受  
維年月朔日某處居住嗣法弟子某弟子傳

靈寶无量度人上經大法卷之七十一

靈寶无量度人上經大法卷之七十二 火

修齋受詞品

傳度詞式

維太歲年月朔日具鄉貫某人謹齋沐誠惶  
誠恐稽首再拜投詞某伏聞洞玄設教開度  
生濟死之法門靈寶垂文有脫殼昇仙之妙  
理非夙生之慶幸豈造次而得聞欲廁真階  
須憑師匠某欲薦先亡之苦爽次拔泉滯之  
冤辜使一命以無虞保全身而脫厄某雖曾  
立誓未遇真師茲者伏遇某君法師先生不  
掩玄關大開慈造下度愚昧輒具懇詞謹齋  
全寶以貧心特造靈壇而控告拜傳靈寶大  
法鍊度秘鑿誓終始以行持靡敢忘於教誨  
如苟違盟約甘墮沉淪伏望慈悲特垂允度  
庶累成於功行同共列於真階謹具懇詞拜  
投壇下伏取法旨某誠惶誠恐稽首再拜謹  
詞

傳度啓奏科

臣聞元始祖劫化生諸天隱碧落之空歌敷  
紫虛而鬱秀開明三景用普植於神靈救落

五篇使保制於劫運玄坐五色師子之上說  
法度人端居七寶霧林之中授經付世萬聖  
臨軒而稽首來真侍座以皈依皆諸天隱秘  
之音非世上常辭之詠靈風雲霧致日月以  
序輪金口宏敷俾神風而靜默一遍而諸天  
稱善十過而枯骨成人是知妙道難窮玄功  
無量上天所寶下世不傳遇至士以赤心齋  
金寶而盟受眾真監度萬聖臨軒諸天保以  
善傳魔王舉其道備方邊玄格許以流傳今  
嗣法弟子某夙緣積慶遭際玄風盟心拜手  
於清都虔意精誠於大法叩頭搏頰肘步投  
壇恭依盟度之科以捨愛緣之念捧金齋寶  
飲血飲丹誓求大法之扶持願列仙班之職  
任臣早膺師匠獲佩靈文本接物以度人遇  
至賢而勿秘既承懇禱表奏上天已獲報於  
吉祥預良辰而付授給符傳法受戒度兵伏  
願靈寶眾真洞玄諸帝慈悲濟物方便度人  
使弟子某迺出塵寰永離浮幻蕩六根而清  
靜出八難之輪迴頓悟玄機得行道妙隆三  
千之功行招集群仙總五帝之魔王萬靈振